



QUÆSTIO MEDICA, XI
 QUODLIBETARIIS DISPUTATIONIBUS
 MANE DISCUTIENDA
 IN SCHOLIS MEDICORUM

Die Jovis 27 mensis Novembris 1721.

M. MATHÆO THUILIER,
 ANTIQUIORE SCHOLARUM MAGISTRO, PRÆSIDE.

An omni delirio & sopori vena seclio?

I.



OMO vix genitus, vix natus, à doloribus vitam auspicatur; ab eâ vi laborum ejicitur: si daretur scientibus, nullus eam acciperet; cui enim patet ingressus, patet ad miseriam. Vita angustis obtusefcis & doles? obtusefcas potiùs quòd morbis frequentius non torqueatur, quòdque inexorabilis parca fatalia fierum stamina citius non refecer. Corporum fabricam attendenti, quid præter vasa, quid præter liquores occurret? A naturali statu levi momento detruduntur. Infito elatere pollent vasa; ambientibus aut internis lædantur, omnis tollitur consensus. Quoquo versum jactati liquores, hostiles impulsus fugere nituntur; accelerato cursu funestum meditantur hospitium. Ubi minor futura resistentia, eò majori cumulo, quâ data portarunt. Partem debiliorem citò aggreditur phlogosis. Conica anfractuosaque viscera

A

vasa pro diametrorum ratione & proportione admittunt liquida: Casu aut celeriori quovis motu urgeantur, rarefiant, grumescant; diductis tenuissimorum vasculorum parietibus, contractioni imparia vascula: pristinum statum difficilè recuperat naturalem ultra tonum elasticum corpus elatum. Nec subitanea sed successiva ingurgitatio. In minimis minimisque alios furculos seu ramos, arteriarum majores dividuntur trunci. In extremis exiliorum primi ponuntur obices: præpedito sanguinis cursu in unâ arteriola parte, stagnat, pressis adjacentibus arteriis, eâdem labe contaminatis, longius serpit malum. Intra angustiores cancellos detineantur fluida, perneciter feruntur. Auctâ velocitate rapidius præterfuit sanguis, vasa decurrendo exlex truditur; majorem molem tum cordi tum arteriis offerendo, validius contrahuntur. Fibrae magis expansæ potentiiori nisu vique fortiori restituntur. Abnormis fugiens sanguis reflexione in varias detorquetur vias; impressus à corde motus paulatim imminuitur; gravata viscera gravi ac molesto gemunt sub onere. Quæ prius fuit partium flexilitas, infarctis exilibus vasculis perit; difficilior per vasa majora vehitur sanguis. Pulsus, repulsus, mille modis quassatus, spissescit, in floccos abit. Nimiâ mole cumulo, frustaneos moluntur arteriæ conatus: in itinere tardescit, æquilibris resistentia: duabus potentiis æqualem nifum exercentibus, resistentiarum æquale momentum. Crescit cundo malum; neglectum, nullam admittit medelam. Principiis obsta. Non aliunde morborum inflammatoriorum causa petenda. Quid exitii non portendunt fibrarum crispaturæ? Quid non Erethismi? Corrugati villi tendinei fluida moleste concutiunt. Percussa eò validius resilit chorda quo magis tensa: quantâ potentiâ vasorum fibræ, prementibus fluidis obniti debent? Ne peculiaribus fermentis diversâ morborum evolvenda quæras phenomenâ: monstrantem & indicantem sequere naturam. Exquisitissimam Microcosmi structuram, mirabiles sibi accuratè respondentes partium connexiones, nervorum relationes, arteriarum cum venis mutuas osculationes, prodeuntium vasorum lymphaticorum distributiones, ob oculos habito ordinem, symmetriam, elaterem non vasis modò, membranis, musculis, cuicque etiam fibrillæ inditum perpende. Necte veri efficta deludat effigies. Vasa ab elasticitate deflestant; contento ingurgitentur liquido, dilatentur, victoribus fluidis aut solidis nullum æquilibrium; depletis vasis, misso sanguine, reviviscit,

II.

SUOS habent morbos solida, fluida quoque suos: quantitate aut qualitate peccent. Ista, illa elasticitatis excessu aut defectu: utraque sæpius afficiuntur: amicè reciprocactione functionum integritas: errantibus aliis, plectuntur alia. Morum quidem solidorum juvat texturæ ratio, efficit fluidorum auxilium. Pro natâ consistentiâ majoris vel minoris capax resistentiæ: hinc fortes creantur & robusti, debiles & infirmi; non à diversâ alimentorum, non à fluidorum indole. Secentur cadavera; vasa; membranas, musculos inspicere: ex crassitie, soliditate & staminum robore valetudinis firmitas æstimatur; morbi causa stat. Vegetiores ideo qui equo, palestrâ, venatione aut quovis alio *juvenculis* exercitio recreantur: sedentariæ verò vitæ & otio dediti, innumeris fermè affectibus obnoxii; quorum parens partium laxitas. Ut protrudantur, perpetuâ ope egent, liquores. Solutis solidis, cessante causâ protrudente, fluidorum desinit motus; subsident. Imminuto impulsione momento in liquoribus, fatiscit fluiditas; spissescunt: diuturniori morâ, obstruunt viscera; Phlogosi tentant. Irritato, crispato solido, eadem fermè vitia arguentur. Clausis viis, nullus commectus; hærent fluida. Repetitis vasorum oscillationibus tenuiores dissolantur partes. Tenuissimos ductuum, Meandros crassiusculæ ægrè permeant superfluitates. Pressiones indociles, prementem eludunt vim: ponè sequentibus claudunt initum. Sensim cumulat sanguis. Dilatatis vasis acubantia coarctantur. Augescit infarctus, crescit inflammatio. Terrima sequuntur symptomata: ne terreans: Cognitâ mali causâ, præsto est remedium.

*Tu ne cede malis, sed contrâ quædantior ito;
Hoc virginitis opus.*

Unum auxilium, omniumque præstantissimum venæ sectio; eâ fluxiliores fiunt liquores: emolliuntur solida in cretissimum abeuntia, crispata: pristina restituitur elasticitas: conniventes referantur viæ, perversæ secretiones citissimè emendantur: transpiratio evacuationum faciliè princeps, juvatur, augetur; quantæ molis sit, nullus ambigit; cæteris simul omnibus multò major: quantum alvus quindecim dierum spatio evacuat, tantum hæc unico. Depravatæ liquorum determinationes rescinduntur; interrupta solidorum oscillationes redeunt alacriores: deviantibus, indupeditis, fluidorum lentor, segnities, humorum colluvies: sui juris factis, singuli liquores per singula propriaque incernicula seponuntur. Multiplices morborum inflammatoriorum species a mutato solidorum & liquidorum æquilibrio: inest aliud solida inter solida, partes & partes; quo turbato humorum in contrarias partes decubitus, *invasiones* seu *metastases*, prioribus similes affectus producere valet. Hoc æquilibrium anatomica inspectio, cadaverum sectio detexit, probat. Sanguinis missione dissociatæ partes, novo juncto fœdere, mutua surgunt ad officia. Languida pars prius oppressa subsilit, expeditior gessit. Nec expositis tantum causis prodit infarctus, nascitur inflammatio: statutus per vices contrahitur cor: æquabilis ad universas corporis partes sanguinis distributio, æquabilis circulatio. Acceleratis cordis contractionibus, acceleratur sanguinis circuitus; desinit protrusi sanguinis ad minimorum vasorum diametros antè habita proportio: subleget cruor. Quàm misera, quantum lugenda mortalium conditio! Ambientia corpora hominis tutelæ comparata, in ipsum conspirare læpius observaveris. Acris ferventis ictu percussus in terram plures cecidere. Quid non minantur cæteræ res non naturales? abusu, non minora funera parant. Cibo nimium acri aut acido, liquoribus ardentibus aut incalescentibus, exercitiis immodicis neglectivè, vigiliis longius protractis, somno liberaliori, expanditur sanguinea moles, inspissatur; vasa ingurgitantur. Impetu fortiori à tono naturali dejectum corpus elasticum, clatrem perdidit; vis quæ extenditur, distrahitur, restituentem vim potenter adeo excedit ut iners jaceat corpus & atonum. Instant inflammationes: venæ sectione audenter succurrit.

III.

CÉRÉBRUM aliis totum vasculosum, aliis glandulosum, nobis vasculo-vesiculosum: ab hepate, liene, pulmonibus, structurâ generali minime dispar: triplici substantiâ corticali, callosâ, striatâ distinctum, innumeris & exilissimis callosat potissimum constatur vasculis; secretorii excretoriique lymphæ succivæ nervi ductus sanguiferis appenduntur vasis; interpositis ab invicem se junguntur vesiculis: quæ sibi communicant; interjectæ columnæ membranæ, flexiles, vibratiles, elasticæ spiritalibus circumfluæ, eorum quassationibus obviæ, cerebri consueunt fibras. Susceptâ pro determinatione ab unâ vesiculâ in alteram spirituosâ reflectitur lymphæ. Duplici membranâ, menyngibus vulgò, obvolvitur tota moles. Vasculis à cervicalibus, vertebralibus & carotidibus oriundis maximè contextæ meninges; nervis propæginibus persensiles. Functionibus animalibus vacat cerebrum; spirituum animalium promptuarium. Ad quasque corporis partes distribuendi & spiritum animale distributuræ ab eo proficiscuntur nervi. Vitalium & naturalium actionum integratæ æquè efficaciter consulit: idiopathicè affecto languent, cessant omnes, malè se gerentibus pectoris aut abdominis visceribus, in consensum trahitur; sympathicè dolet: ingratæ vescunt morbi. Pluribus caput concutitur affectibus; graviores quique ægrorum vitam in discrimen ponunt, semper adducunt soporosi, frequentiores deliroi: pro indole, pro more quo invadunt, pessimi ominis; illæ affectuum species ad idem genus referende; eorum enim idem ortus, eadem causa conjuncta, philogosis; imminens vigiliæ pertinaces, delitæ invehit; soporosos affectus urgentior excipit; inceptam aut confirmatam inflammationem seu *phlogosis* discutere, hoc opus, hic labor est. Omnem fermè eludit industriam; frustraneos & irritos plerumque moliaris conatus. Ab analogiâ rerum naturaliter peractarum quæ morbole accidunt, tuto deduxeris.

Vigilia affine delirium : somno similis, soporofus morbus. Quo pacto somnus producat & vigilia, paucis excipito. Spiritibus cerebro parcius subministratis, non explicabuntur fibræ; sensuum non tendentur organa : sensationum & externarum motionum cessatio. Sero humefactis cerebri fibris, laxatis, lente moto crurore, vasa sanguifera leniter flaccescunt, aut blandè premuntur; sensorii motus feriantur; torpentes spiritus nullas fibras impetunt debiliusve succutunt : ærumarum levamini gratias crepit somnus. Sanguinis redditui injiciatur mora; ductuum laxitate seignis vehatur; vis quâ pelletur sanguis, licet minimæ, quam nanciscetur, cederè resistentiæ; congeretur. Impetuosius protruso sanguine, non reluctantibus vasīs, lentescit liquor. Expandatur, rarefiat cruor, ultra tonum naturalem trahuntur ductuum parietes, ad pristinum statum agrè redeunt. Haud dissimiles alterationes præposterè assumpto vino, uluvè opii, quibus provocatur somnus, fortitur sanguis. Fortiori pressione nervorum arctantur origines; medullæ stringuntur loculamenta; præpeditur succi nervi, lymphæ, spirituumve secretio; altior somnus; veterasti effectus. Sensoria interna suis vacant muniis; musculorum absolvuntur motiones : organis exceptæ objectorum impressiones ad cerebrum liberè transmittuntur : spiritus copiosi, mobiles, expediti : fibræ tensæ, vibratiles, elasticæ; benignè expanditur cerebrum; promanant vigilia. *Επιφάλη* turgeant vasa : tensionibus factis fibris, deperditâ unius respectu alterius proportionem, genuinus evertitur tonus. Erronea præstantur : delirium. Quâ exerceantur mechanicè, ignotum adeò & abstrusum, ut nihil certò affirmare quis audeat. In re omninò conjecturali quid præter conjecturas? si non veras verosimilimas saltem in medium proferre temeritati non vertetur. Mutua strictaque mentis & corporis necessitudo. Juxta hanc societatis legem cogitat mens. Multiplicibus fibrarum subtilibus assignere judicia, potuit summus ille rerum moderator; quod nec captum superat nec rationi repugnat. Fibris subjectum & attributum exhibentibus eodem tempore oscillationumque pari numero vibratis, judicium adnexit affirmativum : inæquali undulationum numero & dispari tempori negativum. Prior status *αναρρησιμὸς*. Posterior *παρρησιμὸς*. Tripliciter consonant aut dissonant organorum musicorum nervi, sic cerebri fibræ. A nativâ longitudine, crassitie ac tensione deficiunt; vitiosum judicium, *παρρησιμὸς*. Isochronæ in heterochronas autem, vicissim heterochronæ, affirmatione dispares copulantur idæ, negatione compares; quàm faciliè naturalis concidat ordo, graphicè exaravit Physicus Poeta.

..... *De in fabricâ si prava est regula prima,*

Normaque si fallax rectis regionibus exit :

Et libella aliquâ si ex parte claudicat hiltum :

Omnia mendosè fieri atque obliqua necessum est,

Prava, enarrantia, prena, supina atque absorta tellus :

Jam ruere ut quadam videntur velle, ruantque

proditâ judicii fallacibus omnia primis.

Sic igitur ratio tibi rerum prava necesse est

Falsaque sit, falsis quacumque ab sensibus orta est.

IV.

OMNIUM humani corporis viscerum, unum debilissimæ texturæ cerebrum; in vitium flecti cerea ipsius vasa. Delirium insiliat, inslet profundior somnus; inflammatoria impender dispositio, *φλόγης* aliquandò adest, aliquandò *φλεγμῶν*; veterinosos affectus, qui remedia maximè respuunt, eadem, pejor, jure dixerim, manet fors. Deliriorum frequentior species, *φρενitis*. Cerebro primariò affecto, idiopathica, vera cognominatur; læsis prius inflammatisque aliis visceribus, *φρενitis* symptomatica, notha, *παρρησιμὸς*. Præcipuum præsentis inflammationis signum; sanguinis motus in aliquâ parte remissior. Pressione, distractione, crispaturâ, ruptione, conicorum vasorum coarctentur fines; aperturæ diameter, sanguinis globulorum diametro fit minor. Motu nimio tenuiores diffidentur partes, coit sanguis; aut peculiari

contractâ labe inspissatur. Heu! formidandum omne delirium; vasorum utriusque
 menyngis cerebrique arguit explicationem; hæc est proxima phrenitici delirii
 causa & conjuncta. Alius evecâ explicatione vasa vasis mutuan & reciprocam in-
 jiciunt compressionem. Inflammationem gravia redargunt symptomata: ob sanguinis
 impetum aucto turbatoque cordis librato motu, febris, pulsus celer, frequens, mag-
 nus, vehemens. Ex arteriarum repetitis ictibus, capitis dolor, aurium tinnitus, ob-
 jectorum geminatio. Expansâ cerebri mole, diductis vasis, mobilioribus & agiliori-
 bus spiritibus, tensus, succussis fibris, somnus interruptus, vigilia, somnia terrefa-
 centia, ad iram proclivitas, delirium. Pro diversis ideis quæ ex prægressâ spirituum
 & fibrarum motione menti obversantur, in varios musculos determinatur influxus;
 huic vociferatio, iracunda responsa, è lecto exilitio, in obvius inruptio, torvus ac
 fixus intuitus. Arteriis oculos faciemque perreptantibus cruore revertis, faciei, ocu-
 lorum rubor, lacrimatio. Difficili ita sanguinis & reditu, urinæ alba, pellucida,
 cruda, pulsus parvus, durus, celer, frequens, respiratio magna, rara, laboriosa.
 Interpositâ spirituum irradiatione, sanguinisque pondere, membrorum jactationes.
 Elapso in auras tenuiori sero, lingua arida, aspera, nigra, sitis intensa. Augescente
 menyngum cerebrique phlegmone, vividioribus fibrarum vibrationibus aliò avoca-
 tur mens; linguam exerunt phrenitici, non retrahunt, sitis stimulos non percipiunt,
 nullos perferunt dolores. Quò se cautiorem existimat ager, eò propior instat lethi
 necessitas. Enumeratorum collectione rectè conjicitur inflammatio. Magna mania
 cum phrenitide affinitas; in utraque est delirium universale circa objecta omnibus
 cognita furore & audaciâ stipatum; cum febre in phrenitide, febris expers in mania.
 Eadem observantur symptomata; unam sortiuntur causam proximam, diversa licet
 sit antecedens. Plogosis namque phrenitidem procreat, dispositio verò ad inflamma-
 tionem maniam & melancholiam; à ceteris deliriorum speciebus constanti errore
 mentis circa unum aut alterum objectum absque febre exploratur melancholia. Di-
 versa sanguinis diathesis: phreniticorum cruor æstuans, rarefactus: maniacorum
 viscosus, exsuccus, therebenthina æmulus: melancholicorum crassus, spissus, ut ve-
 teribus placuit, terrestris. Non est inflammatio cerebri sine ipsius expansione; non
 autem semper inflammatio sed tantum dispositio, adjacente explicatione. Res ab
 ovo ordiunda, ad morbiq; invasionem attendendum. Cum subitanea sit vasorum
 ingurgitatio, cerebrique distentio, phlegmone: si sensim sine sensu nec subito in
 pejus ruat, patientiores & quasi regias sibi pandit vias; illas dein ægrè licet, impune
 tamen permeat: non alio progrediuntur modo mania & melancholia; hæreditariæ
 ex labe gentili. Silet sæpè morbus in genitore, ex avo dum derivatur in nepotem. Con-
 genitæ, primâ in utero cerebri conformatione, exostosis, glandulis tumefactis. De-
 mum adventitiæ, cerebrum peculiari inultum vitio, perversâve sanguinei fluidi crasi.
 Melancholiz nomine comprehenduntur lycanthropia, furor eroticus, melancholia
 errabunda Atabibus *Kutubuth*, galeanthropia, innumeraque alia pro delirii vario sub-
 jecto: habent nonnulli hydrophobiam pro delirio melancholico; hoc symptomata mus-
 culi æsophagiei inflammationi quam Græci *παγαρις*, *πύλω* vocant, potius tribuunt;
 & inter anginae species reponatur. Morbis expositis originem proximè præbuit fibra-
 rum tensio; atonia stultitiæ, satuitati, lethargicorum oblivioni. A deliriosis affectibus non
 longè recedunt soporosi; juxta compressionis gradus, quæ proxima & conjuncta causa
 in genere statuenda est, symptomatum varietas, vehementia, species denominatione-
 neque emergunt. Intra vasa subsideat sanguis, extra effundatur, eas accersit. Cres-
 cente distensione in phrenitide, crescit inflammatio. Ad compressionem aut veterno-
 sum affectum brevis transitus. Quæque passim numerantur causæ tanquam proximæ,
 inter occasionales, remotas aut adjuvantes transferantur. Nativa corporis fabrica,
 breve collum, magnum corpus, crassum & pingue, temperies plethorica, cacochymia
 pituitosa, quæque sanguinem ita mutant ut per arterias cerebri liberè fluere non possit,
 tumores intra cranium nati, inflammatorii, setosi, pituitosi, steatomatosi, scirrhosi,
 ossi, abcessus; quæ venas ita comprimunt ut cruori impediatur iter, aut cursum diu
 tenere non detur, iniquo operi ultimam manum admovent. Causæ procatartice,

non naturales. Presso æqualiter fortiterque cerebro, repenti actio omnis sensuum
tūm exteriorum tūm interiorum omnemque motus voluntarii abolentur; sospite ce-
rebro, remanet pulsus plerumque foris; difficilis respiratio, magna, stertens, stat
ἀποπληξία. Sensibus omnibus orbatus æger, illum corporis statum quem primo mo-
mento accedentis morbi habebat, retineat, *Κατὰ γὰρ, Κἀτάχως, Καταλίψις* dicitur. Fe-
bre, respiratione inæquali, oblivione, somno ita profundo ut punctione, vellicatio-
ne, tractione nulli motus obtineantur; *ἀσπργος*. Si liberè spiret æger, punctus par-
tem retrahat, summo clamore vocatus oculos aperiat, mox claudat, interrogatus
non respondeat, *Κἀός*. Punctus partem retrahat, minori clamore vocatus oculos ape-
riat, statim claudat, interrogatus respondeat, illico in soporem relabatur, *Κἀύα*,
Κατὰ φῆρα seu *subeta* Arabum. Summa sed frustranea ad somnum propensio, leihargus
spurius, *Κάτω* vigil, *Τυφώμεια*; tali morbo laborantes, Tantalii in morem fugaces
prosequuntur somnos. Ex inæquali cerebri pressione, subitus in terram prolapsus,
præter sensuum abolitionem motus convulsivi, *ἐπιληψία*. Præfatos affectus, sive idio-
pathici sive sympathici sint præcurret, in somnum facilitas, ad motum difficultas,
repletio, stupores, tremores præcipuè capitis, incubus insidens per noctem, acutus
capitis dolor, venarum jugularium turgescencia, oculorum tenebræ, *μαρμυρίζαι*,
splendores oculis obversantes, faciei rubor aut pallor, colli tumores, palpitatio,
animi & corporis insueta gravitas, insomnia turbulenta, oblivio, moellitia, legnities,
sensuum hebetudines, aurium tinnitus, lingua inflexilis, inordinata motio, oscita-
tio, pandiculatio, pectoris restrictio, mutata respiratio, nausea molesta, *καρδία γύμνα*,
salivæ effluvium, oculorum & narium humiditas, urinæ tenuis & crudæ, præcordio-
rum infatio. Pathognomonica phlegmones dispositionisve inflammatoriæ habes sig-
na; omnia morum sanguinis tardiores denotant. Si non te tangit ratio; fidelibus
oculis subiecta res animum fortius irritabit. Illustriores artis scriptores observatores-
que integerrimos consule; sectiones cadaverum quas locupletandæ & illustrandæ
praxi reliquerunt, volve.

¶.

MORBI succurrere non datur, ni cognoscantur. Ex definitionibus itaque su-
perius allatis, symptomatum vehementiâ & varietate, diagnosi, prognosis,
curatione depromantur. Affectuum deliriorum & soporosoform maxima necessitudo, cau-
sarum similitudo, nec longè diversus curationis scopus: duplex prophylacticus, vel
therapeuticus. Ex therapeutice, quæ ad prophylacticen spectant, emanabunt. In cura-
tione therapeutica imminens præsensve inflammatoria dispositio arcenda, phlegmone
superanda, vasorum crispaturæ, creberrimi sedandi, flacciditas erigenda. Cespitanti
sanguini admoventum calcar, aut ipsius temperandus orgasmus; expeditæ auxiliatur
venæ sectio. Uberiori sanguinis copiâ fortius vibrant arteriæ, minori remittunt. Ten-
sus funiculus percussus, laxo potentiùs resilit; non secus crispaturæ fibræ. Fluidi impetus
sux moli proportionatus. Alveorum fluminum repletionem aggeribus vis inferitur: su-
perflua subtrahatur copia, minuitur. Pro vasorum infarctu repetenda sanguinis missio,
non ex brachio solum, proximius à parte affectâ derivetur, ad longinqua quoque re-
vellatur. Nec sanguini indulgentius parcito; qui vitæ fuit fons, necis foret causa.
Instante phrenitide à quâcunque origine, ab inflammatione piæ matris, utrarumque
menyngum & cerebri, exulceratione duræ menyngis, vasorum ejus plenitudine &
piæ cum abcessu in cerebello flaccido, cerebri venis varicosis, tumore inflammatorio
in cerebri substantiâ genito, aliarum partium inflammatione, pendeat. Conveniens
prescribatur diæta; refrigerantium haustus, largus sit. Urget inflammatio, larga ci-
vitiùs celebranda venæ sectio, primum in brachio, dein talo, jugularibus. Arterie
temporales incidendæ, tundenda frontalis vena. Viribus consulendum: non negligenda
ægrorum ætas. Spasmodicæ intestinorum dispositioni emendandæ, emollientia
frequenter infundantur enemata. Phrenitico insultu & febre remittentibus, purgetur
æger; æquali passu procedentibus, nulla remissionis affulgeat spes, nec inflammatio-

mpediat, dum adhuc constant vires; catharticum præstatur medicamentum. Admisceantur emetica cum nausea, vomitus, lingua nigra, arida, crassa, aspera, subnigra. Cassia & manna diluta, tartaro stybiato junctæ, alvum methoeosatum & tensum mirè subducunt ac relaxant. Purgantia prosunt mutatas & depravatas solidorum oscillationes turbatosque liquorum circuitus ac directiones instaurando. Tanta est aliquando febris & delirii pervicacia ut ægrotans die nocteque evigilet; præmissis præmittendis, somnus conciliandus narcoticis. Perseverante febre & delirio, modo adint exacerbatones frigore, rigore aut sudore designatæ & perspicuæ, periodico cursu redeuntes, cortex peruvianus vehementiores componit motus. Varia topica, practica relata, sapientis sunt incerti successus. Maniam excipiunt varicosæ cerebri venæ, vasorum sanguiferorum expansio; quapropter imminuenda & tollenda exuperans sanguinis quantitas repetitis venæ sectionibus, quibus complures curatos fuisse, neglectis aliis medicamentis, testatur Platerus. In iisdem partibus celebrantur ac in phrenitide. Cathartici levioribus difficilioribus moventur maniaci; potentiora adhibe. Exsiccæ sanguinis diathesi emendandæ; humectans sit diæta; alterantia multum conferunt. Cucurbitulæ, vesicatoria & cauteria evacinando non nihil jvant; maniacorum alii benignius, blandimentis, alii minis, verberibus aut quovis castigationis genere acius tractandi; quod mens ab objecto delirii averfa sui reddatur compos. Quamvis in melancholiâ cerebri cortex nonnunquam atro sanguine perfusus promineat, vergatque ad maniam aut affectum soporosum, tota indicatio significabit liquida cerebri & nervorum promovenda, augenda, in ordinemque redigenda: huic fini collimant venæ sectiones, quibus tamen parcius indulgendum; obstructions oppugnandæ, stimulo enematis, purgantibus, refrigerando & incidendo martialibus, mercurialibus, aquis mineralibus, aperientium plantarum decoctis, emolliendo sero lactis, jusculis, balneis, enemate, suppressas evacuationes promovendo; mens ab objecto consueto exercitiis, equitationibus abstrahatur; summâ sæpe prudentiâ delusæ imaginationi obsequendum, magnâ vi sæpe repugnandum. Soporosorum affectum non dissimilis cura, nisi aliis superveniant morbis, à quibus curationis modo alias non dissident; in omnibus comprimitur cerebrum, sive sanguinis impetu vasa distracta fuerint, sive ex flacciditate ductum cumuletur sanguis, extraneumvè corpus insideat. Ad apoplexiam proximè accedunt lethargus & epilepsia. Quidquid de comate vigili ac somnolento proferatur, leviores sunt cari species; omnes urget inflammatio, si anatomicis inspectionibus aliqua sit fides. Remoto cranio comate vigili intremptorum, abcessus repertus, parvæ pilæ juxta plexum choroidem inventæ: comate somnolento, lethargo, caro extinctorum, dexter cerebri ventriculus aquâ repletus, sanguis coagulatus & niger, apostema à pure copioso, detecta; sanguinis extravasationem, serum multum effusum, vasa sanguine turgentia, varios cerebri abcessus, apoplexiam accessisse, cadaverum apertura probat. Eodem auxilio à cerebri abcessu, à pustulis duræ menyngis, à nigro sanguine per cerebri spiras sparso cum inflammatione, à sero caput replente, à polypo insigni in sinu duræ menyngis reposito, à materiâ adipi simili inter cerebri ventriculos sitâ, à tenuibus & exilibus corpusculis, epilepsiam productam fuisse & derivatam, conjectum est. Explorato cognitoque affectu ad venæ sectionem tanquam ad sacram anchoram, confugas; intrâ horarum breve spatium pluriès repetatur, saphena & jugularis feliciori quàm catæxæ rudentur successu. Qui à sero exundante soporosos affectus produci autumant, eam temunt; plures tamen occumbere ob neglectam vel parçâ manu celebratam venæ sectionem, quam à sanguine nimium exhausto, frequens edocebit experientia. Gravi morbo potentius non opponitur remedium: inertes & consopitæ partes excitandæ, irritandæ, vellicandæ ut mutua restituendæ periclitanti vitæ præstent officia. Rivis fertilibus universas corporis regiones irroret cor; suppetias ferat, nervorum undulationes, oscillationes admittat cerebrum, vicissimque remittat; aut spiritus incarceratos in libertatem vindicet, ut ii munera exequantur; deviantes succi notas & salutiferas relegant vias. Quæ trito usui sunt remedia, vel interna vel externa.

Externa, volatilia naribus admota, errhina, masticatoria, frictiones, vellicationes, pilorum evulsiones, cucurbitulæ, vesicatoria, scarificationes. Interna autem glandes, clysteres acres, & cephalici, portiones cathartica & emetica, aut cardiaca, quibus addatur tartarum stibiatum, Kermesvé minerale. In inflicti capiti vulneris suspitione, cranium terebretur. Discussio somno, missis prædictis medicamentis, ægrorum temperamento usurpentur convenientia. Hæc artis medicæ tormenta, quantumvis potentia, planè casta, noxia potiùs, ni redundans sanguis eximatur; infarctui adaugendo nedum minuendo idonea.

Ergò omni delirio & sopori vena scëlio?

Domini Doctores disputaturi.

<i>M. Andreas Delaleu.</i>	<i>M. Antonius le Moine.</i>	<i>M. Joannes - Baptista Chomel, Medicus Regis ordinarius, & Regiæ Scientiarum Academia Socius.</i>
<i>M. Joan - Franciscus Giot.</i>	<i>M. Petrus - Antonius Lepy.</i>	<i>M. Andreas Cressé.</i>
<i>M. Fran - Antonius le Dran.</i>	<i>M. Elias Col de Vilars.</i>	<i>M. Armand - Josephus Collot.</i>

Proponebat Parisiis ANDREAS - JOSEPHUS SERON,
Parisiensis, Baccalaureus Medicus, A. R. S. H. 1721,
à sextâ ad meridiem.